



Broj: 04-18-251/26  
Mostar, 01.04.2026. godine

Na osnovu člana 5. Zakona o izmjenama i dopunama Zakona o ministarstvima Hercegovačko-neretvanskog kantona („Službene novine HNK“, broj: 4/07), Ministarstvo trgovine, turizma i zaštite okoliša Hercegovačko-neretvanskog kantona objavljuje

## JAVNI POZIV

### za iskazivanje interesa za učešće u izradi promotivnih fotografija i video materijala turističke ponude Hercegovačko-neretvanskog kantona

#### 1. Predmet Javnog poziva

Predmet ovog Javnog poziva je prikupljanje prijava pravnih i fizičkih lica, javnih ustanova i drugih subjekata koji pružaju usluge u turizmu, upravljaju turističkim sadržajima ili na drugi način doprinose turističkoj ponudi Hercegovačko-neretvanskog kantona, a zainteresovani su da njihova turistička ponuda, objekti, lokaliteti, proizvodi, sadržaji, manifestacije ili aktivnosti budu obuhvaćeni profesionalnim fotografisanjem i snimanjem radi promocije turističke ponude Hercegovačko-neretvanskog kantona.

#### 2. Svrha Javnog poziva

Svrha Javnog poziva je odabir subjekata od značaja za turističku ponudu Hercegovačko-neretvanskog kantona, čija će ponuda, sadržaji ili aktivnosti biti predstavljeni kroz promotivne fotografije i video materijale, s ciljem jačanja vidljivosti i prepoznatljivosti ukupne turističke ponude Hercegovačko-neretvanskog kantona.

#### 3. Pravo učešća

Pravo prijave imaju pravna i fizička lica, javne ustanove i drugi subjekti koji na području Hercegovačko-neretvanskog kantona zakonito pružaju usluge u turizmu, odnosno raspolažu odgovarajućim aktom nadležnog organa kojim dokazuju pravo obavljanja djelatnosti ili pružanja usluga.

Pravo prijave imaju :

1. pružatelji usluga smještaja,
2. ugostiteljski objekti,
3. putničke agencije,
4. turoperator, i
5. turistički vodiči,

6. organizatori turističkih aktivnosti i sadržaja,
7. seoska domaćinstva i subjekti ruralnog turizma,
8. upravljači zaštićenih prirodnih područja, parkova prirode i drugih prirodnih lokaliteta od turističkog značaja,
9. muzeji, galerije, interpretacijski centri, centri za posjetioce i druge ustanove kulture od značaja za turističku ponudu,
10. organizatori i nosioci manifestacija, festivala i drugih događaja od značaja za turizam,
11. javne ustanove i drugi subjekti koji upravljaju objektima, lokalitetima ili sadržajima od turističkog značaja,
12. vjerske zajednice i ustanove koje upravljaju vjerskim, duhovnim, kulturno-historijskim i drugim lokalitetima od značaja za turističku ponudu,
13. udruženja, sportsko-rekreativni subjekti, umjetnici, muzičari, zanatlije i drugi nosioci autentičnih sadržaja i događaja od značaja za turističku ponudu,
14. druga pravna i fizička lica čija djelatnost, sadržaj ili ponuda doprinosi turističkoj prepoznatljivosti Hercegovačko-neretvanskog kantona.

#### **4. Način realizacije aktivnosti**

Fotografisanje i snimanje promotivnih materijala realizovat će lica ili subjekti koje angažuje Ministarstvo.

Odabrani učesnici bit će obuhvaćeni promotivnim fotografisanjem i snimanjem bez finansijskih obaveza sa njihove strane.

Odabrani učesnici će, nakon realizacije aktivnosti, dobiti određeni broj fotografija visoke rezolucije i kratki video materijal bez naknade, za vlastite promotivne svrhe.

#### **5. Obaveze učesnika**

Prijavom na ovaj Javni poziv učesnik (pravno i/ili fizičko lice) daje saglasnost da Ministarstvo trgovine, turizma i zaštite okoliša Hercegovačko-neretvanskog kantona, Turistička zajednica Hercegovačko-neretvanskog kantona i turističke zajednice općina/gradova u Hercegovačko-neretvanskom kantonu mogu fotografije i video materijale koristiti bez naknade u svrhu promocije turističke ponude Hercegovačko-neretvanskog kantona.

Odabrani učesnici obavezni su omogućiti pristup objektu, lokalitetu, sadržaju ili aktivnosti koji će biti predmet fotografisanja i snimanja, te saradivati sa Ministarstvom i angažovanim licima ili subjektima tokom realizacije aktivnosti.

#### **6. Kriteriji za razmatranje prijave**

Ministarstvo će razmatrati sve prijave u skladu sa kapacitetima. U slučaju velikog broja prijava, iste će se razmatrati u skladu sa:

1. promotivnim značajem prijavljenog sadržaja,
2. autentičnošću i atraktivnošću turističke ponude,

3. teritorijalnom zastupljenošću,
4. dostupnošću sadržaja turistima,
5. značajem za promociju ukupne turističke ponude Hercegovačko-neretvanskog kantona.

Ministarstvo zadržava pravo da prilikom odabira vodi računa o ravnomjernoj zastupljenosti različitih područja i oblika turističke ponude Hercegovačko-neretvanskog kantona.

## **7. Sadržaj prijave**

Prijava treba da sadrži:

1. ime i prezime / naziv podnosioca prijave,
2. adresu i kontakt podatke,
3. naziv i lokaciju objekta, lokaliteta, sadržaja, manifestacije ili aktivnosti,
4. kratak opis turističke ponude,
5. fotografije objekta, lokaliteta ili sadržaja, ukoliko postoje,
6. kopiju odgovarajućeg akta nadležnog organa kojim se dokazuje da prijavitelj zakonito obavlja djelatnost, odnosno zakonito pruža usluge, upravlja lokalitetom ili sadržajem, ili na drugi način zakonito djeluje u okviru prijavljenog sadržaja.

Kao dokaz iz prethodnog stava može se dostaviti, u zavisnosti od pravnog statusa prijavitelja i vrste sadržaja ili usluge, rješenje o registraciji, aktuelni izvod iz sudskog registra, odobrenje za rad, akt o osnivanju, akt o upravljanju lokalitetom ili objektom, rješenje nadležnog organa ili drugi odgovarajući akt.

## **8. Način i rok dostavljanja prijava**

Prijave se dostavljaju elektronskim putem na e-mail adresu [turizam@mtto.gov.ba](mailto:turizam@mtto.gov.ba) ili putem pošte na adresu:

**Ministarstvo trgovine, turizma i zaštite okoliša HNK  
Braće Fejića 56, 88000 Mostar**

**Sa naznakom**

**Prijava na JAVNI POZIV  
za iskazivanje interesa za učešće u izradi promotivnih fotografija i video materijala  
turističke ponude Hercegovačko-neretvanskog kantona**

Javni poziv je otvoren kontinuirano, do utroška raspoloživih kapaciteta i sredstava za ovu namjenu. Prijave će se razmatrati periodično, u skladu sa potrebama i promotivnim prioritetima Ministarstva.

## 9. Završne odredbe

Nepotpune prijave mogu biti odbačene, dok se prijave subjekata koji ne dostave dokaz o zakonitom obavljanju djelatnosti, pružanju usluga, upravljanju sadržajem ili drugom osnovu zakonitog djelovanja u okviru prijavljenog sadržaja, neće razmatrati.

Sa odabranim prijaviteljima zaključit će se odgovarajući akt kojim će se urediti međusobna prava i obaveze u vezi sa realizacijom promotivnog fotografisanja i snimanja.

Ministarstvo zadržava pravo odabira prijava u skladu sa promotivnim prioritetima i raspoloživim kapacitetima, kao i pravo da ne izvrši odabir po svim pristiglim prijavama.



Dostaviti:

- web stranica
- a/ a